



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 102. Oratores a Basileensi Synodo ad Galliarum Regem missi.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Sæcul. XV. in hanc electionis normam aliæ mutatio-
 nes inducebantur, & regnante Carolo VI.
 A.C. 1438. gravissimi quoque abusus irrepserunt, quibus
 Ecclesiæ, regnique status toto rerum
 ordine inverso pessumire videbatur. His
 igitur malis Carolus VII. Galliarum Rex
 cum regio suo Consilio, ac Ecclesiæ Gal-
 licanæ Clero occurrere statuit: hinc jam
 ab Anno supra millesimum quadringen-
 tesimo trigésimo primo datis ad Basilee-
 sem Synodum literis invalescentes hæc
 corruptelas exposuit. Eædem hæc literæ
 jam prius in alio Bituricensi conventu
 conceptæ erant.

§. CII.

*Oratores a Basileensi Synodo ad
 Galliarum Regem missi.*

Itaque Basileensis Concilii Patres, ut re-
 giæ epistolæ responderent, plura ad
 Regem transmittabant decreta ad liber-
 tatis Ecclesiasticæ restorationem spe-
 ctantia, quæ ab eo confirmari, atque in
 universo ejus regno recipi postulabant.
 Placuit Regi Patrum sententia, unde die
 septima Julii hujus anni Pragmaticam
 Sanctionem (quæ a nonnullis Ecclesiæ
 Gallicanæ propugnaculum dicebatur)

*Alexander in sua Historia Ecclesiastica ad Sacra-
 tum XV. & XVI. Dissert. XI. artic. VI.*

confici jussit; Hac ipsa lege vix non om-
 nis beneficia conferendi, & de caussis Ec-
 clesiasticorum in illo regno cognoscendi
 potestas abrogatur, Rexque in dicta Prag-
 matica hunc in modum effatur: *Inscruta-
 bilis divinæ Altitudinis providentia pote-
 statem Regiam ad hoc inter cetera ordina-
 vit in terris, ut Ecclesiam sanctam, ejusque
 Ministros fideliter protegeret, atque tuere-
 tur, & sanctorum antiquorumque Patrum
 decreta saluberrima, spiritu Dei promulga-
 ta, quibus nervus disciplinæ Ecclesiasticæ
 viget ac solidatur, sinceriter exequi faceret,
 illibateque observari: sed & speciali debito
 Juramenti, in insigni nostri diadematis susce-
 ptione ad idipsum adstringimur pariter &
 obligamur.* Postea subjungit, quod sacro-
 sancta Generalis Synodus Basileensis tam ex
 Constantiensis & Senensis decretis, & ordi-
 natione, quam duorum Romanorum Pon-
 tificum Martini V. & Eugenii IV. ad re-
 formandum debite in capite & in membris
 statum Ecclesiasticum divina pietate inspiran-
 te coadunata fuerit. . . . Quæ quidem ge-
 neralis Synodus certa Decreta, certasque
 ordinationes & statuta solemnia fecit & con-
 didit, quæ per suos Oratores & Nuncios
 præcipuos Nobis & Ecclesiæ Regni præsen-
 tari fecit, & exhiberi, necnon recipi postu-
 lavit. Quibus attente consideratis habita
 super his magni Consilii nostri deliberatione
 præmatura, Prælatos Regni, divini & hu-

Hist. Ecclesiast. Tom. XXVII. Aa man

Sæcul. XV. *mani Juris Magistros, Doctores & scienti-*
A.C. 1438. *ficos Viros Universitatum studiorum ge-*
neralium convocari fecimus, & congregari
in qua quidem Congregatione assistentibus
nobis pluribus Principibus ac Regni Proce-
ribus, ipsius summi Pontificis, necnon & sac-
re Synodi generalis prædictæ solennibus
Oratores ad nos destinatos super his & aliis
statum Ecclesiæ Dei plurimum concernentibus
audivimus, attenteque audiri fecimus.
 Postea narrat, sibi a suis Prælati-
 situm fuisse, quantum in ipso nascentis
 Ecclesiæ exordio fides Catholica, & dis-
 ciplina Ecclesiastica in Galliis effloruis-
 set, quantaque bona ex observatione an-
 tiquorum decretorum profluxissent: cum
 econtra ex eorum contemptu morum cor-
 ruptiones, & ex ambitione & avaritia
 extrema pene status Ecclesiastici ruina
 processisset, quorum malorum causæ præ-
 cipuæ fuissent Dignitatum, & beneficio-
 rum Ecclesiasticorum reservationes, &
 gratiæ expectativæ, unde factum, ut be-
 neficia plerumque personis ignotis, &
 non probatis, nec residentibus, aut lin-
 guam non intelligentibus conferrentur,
 ex quo ingens animarum, & Ecclesiarum
 atque etiam Universitatum, & Doctorum,
 proborumque virorum detrimentum e-
 mersisset, multaque alia incommoda,
 vitia, ac pericula prodiissent, necnon gra-
 vissimum Coronæ Regiæ juribus, totique
 Regno

Regno damnum fuisset illatum: Demum **Sæcul. XV.**
 declarat, quod Ecclesiæ Gallicanæ Præ- **A.C. 1438.**
 sules tot malis, ac corruptelis com-
 moti, in hoc Bituricensi conventu a Ba-
 fileensibus quædam statuta receperint, &
 præhabita inter eos multimoda, diutinaque
 discussione, atque digestionem memorata ipsius
 sacre Basileensis Synodi Decreta, Ordina-
 tiones & statuta, aliqua simpliciter, ut ja-
 cent, alia vero cum certis modificationibus,
 & formis, non hæsitacione potestatis & au-
 thoritatis condentis, & promulgantis, ipsius
 scilicet sacre Basileensis Synodi, sed quate-
 nus commoditatibus, temporibus, & mori-
 bus Regionum & Personarum Regni nostri
 congruere, convenireque conspexerunt, illico
 & indilate recipienda censuerint, & acce-
 ptanda deliberaverint.

§. CIII.

*Pragmatica a Regis Gallicæ Legatis ad
 Basileenses delata.*

Rex Sanctionem Pragmaticam ita con-
 ceptam per suos Legatos ad Basileen-
 ses deferri jussit. Constat illa titulis vi-
 ginti tribus, qui ex decretis ejusdem
 Concilii petebantur, & præcipue ex illis,
 quæ respiciunt Generalium Conciliorum
 auctoritatem, collationes, electiones, gra-
 tias expectativas, appellationes, Anna-
 tas, ceterasque exactiones, item divini